

湖南府縣志輯

中國地方志集成

同治保靖縣志
乾隆安鄉縣志

K296.4
10
56

中國地方志集成

湖南府縣志輯 ⑦④

同治保靖縣志

乾隆安鄉縣志

江蘇古籍出版社●上海書店●巴蜀書社

序

一邑之建必有山川形勝諸英而蔚華地靈既鍾人傑斯毓不以方隅限也每觀通都大邑文物聲名之盛歷久彌昌其初則皆璞玉金未加雕鏤沐

聖天子禮陶樂淑運會日新復經賢有司作育振興風俗蒸蒸益上後人徵文考獻引以爲志乘光其漸被有由然歟保靖在漢屬遷陵後爲土司所據歷晉唐迄明季數百年矣追我

保靖縣志

卷首序

一

朝雍正七年始隸版圖其沿革源流詳見前守長山袁君暨前令臨汾王君志序已已歲式曾擢溪州守時大憲議修通志諭令督繕郡縣志乘以備輶軒是秋八月下車即檄行所屬編輯閱年餘罔有成議會石門袁予文權鐸保邑曩牧澧陽知其名亟徵來郡熟商應之曰諾旋因三營兵糧事按部遷陵入境見巒岫崢嶸豁然開朗溪流東蕩波瀾不驚徐察其城市人民漸習於文物聲明較爲都雅所謂山川形勝

儲英蔚華者其在斯乎尋晤邑之紳耆遍索王君舊

志不可得越翼日林曉霞大令以保靖志稿進知爲羅墨莊廣文采摭胡恕堂中丞參訂曉霞大令思哀輯而未遑也因思一書之成既資羣策羣力由草創而討論而修飭而潤色又慮擇焉不精語焉不詳非聲望夙孚士林翕服者固不克肩厥任微予文其誰屬哉爰偕曉霞力爲慇懃專董其成明年歲試集郡垣攜其手錄一編囑弁言簡端謀付剞劂公餘披覽

保靖縣志

卷首序

二

其體例具備綱舉目張洵足衍文獻之傳俾一邑山川增色獨念今日者民康又矣物蕃滋矣學校興科名振矣追憶田疇誰殖子弟誰誨益歎臨汾王君之大有造於遷陵宜其俎豆千秋馨香以奉彌令人肅然敬穆然思焉夫以千百載苗域巒圻狃獠未化出水火而衽席之以養以教如闢洪荒觀其殫力經營悉心締造斯誠爲公忠體

國功德及民者乎人傑地靈不徒文寄封疆武備干城

者之光志乘矣抑又思之有功德以錫福尤賴有陰
騭以承庥三綱五常禮之大體正人心以厚風俗上
與下宜共相維持吾願居是邦者體王君教養之心
爲心孝弟力田端其本官斯土者踵王君教養之政
爲政興革損益酌其宜他年文物聲明不更倍蓰什
伯之濟美乎辛未冬粵西龔譜香委攝斯篆莅官在
書成後不無叔度來暮之思且土元非百里才殊不
足以展騏驎然本經術爲治術詎肯鄙夷斯民渤海
保靖縣志

卷首序

三

循聲當弗讓臨汾專美因綴序而並記之質諸譜香
予文此邦人士或不河漢斯言

同治十一年歲次壬申十月既望

誥授中憲大夫

晉封資政大夫湖南永順府知府在任候選道古平州魏

式曾譔



序

邑之有志所以上達

國史也然或代遠年湮未經隨時補葺則殘缺失次不
惟邑乘無光即司牧亦引爲疚焉余不敏庚午春奉
委攝篆遷陵登舟時往謁邑中丞胡恕堂先生坐次
出縣志輯要一函屬而告曰邑志修自前令王公敬
天氏距今百餘年矣中雖屢經採輯率未歲事而罷
茲同邑羅墨莊廣文手集是編粗備大凡君幸留意
保靖縣志

卷首序

四

焉余於蓬窗細加翻閱見其山川之峻深道路之紆
回人物名勝之繁富雜沓雖未躬歷其境已不啻卧
遊而交臂接之矣下車伊始適奉檄令續修爰商聘
袁予文司鐸總董其成司鐸才識贍粹石門志出其
手也更徵諸紳耆廣爲採訪詳別門類自

天章

以至藝文共得十二卷補遺輯新蒐羅殆徧固足以

仰副 上憲德意質之

國史而徵且信矣是書成余竊有說焉吳越之先不齒

於諸侯今皆爲大都名區以漸而發越也保邑僻處邊隅自雍正七年改土歸流後欣承

聖澤

涵濡政治蒸蒸日上城郭建而閭閻稠處矣營制設而守衛嚴飭矣學校興而科第蟬聯矣迄今某某者世爲士某某者世爲農某某者業於商某某者藏於賈他如持廉隅敦節孝開藩鎮擅文詞日新月異疊起有人以視中土何多讓哉余撫字汗慚心顏罔播凡邑中要務或知之而不暇爲或爲之而未克竟其保靖縣志

卷首序

五

待畢於後至君子者正夥猶幸斯志告成聊慰私願而尤冀邑人士藉文筆以勵其志泳更始以養其機遊雅麗蓮塘以端其德行行見家絃戶誦不負

聖天

子以天下之心爲心而共底於一道同風之盛也豈不休哉是役也鳩財勸功實維眾力胡正祺陳祖文胡福昌謝銓何汝霖謝利成余準尤昉其尤著者附書之以付剞劂見匡余之不逮焉是爲序

同治十年歲次辛未秋九月

品授奉政大夫兼襲雲騎尉湖南補用知州知保靖縣事錫山林繼欽謹撰



保靖縣志

卷首序

六

叙

郡縣有志肇於唐李吉甫後世遂相沿踵輯而志有其大同亦有其小異保靖遠古無徵漢置遷陵縣始有縣名自後隋爲大鄉唐爲三亭又爲洛浦其名雖存而其時官斯土者不見有循吏善政彪炳史冊生斯土者亦不聞有奇人傑士經緯道德迨石晉以後入於土司爰及明時甲子將周十二如山之蔽於榛莽如水之淪於島溼茫無崖岸靡所紀極斯其異也

保靖縣志

卷首

七

越至我

朝

皇澤

廣被地盡畏神民皆服教山陬海隅莫不率從雍正七年改土歸流重行設縣置官域民乃從同焉當勸建之初適山右王敬天先生名欽命者官此忠藎慈惠爲上爲民興養立教昕夕不遑彌欽

國

家景運昌隆遠邁前古闢一疆宇卽得賢有司爲之經畫區處務臻熙皞而後卽安凡茲學校樹畜所享

之利皆其留遺於乎美矣迄今百四十餘年土壤之

舉治生聚之蕃茂絃誦之鼓鑄浸爲風會蔚爲俊彥炳爲節義文寄封疆武備干城登科膺擢者蟬聯鵲起倘所謂深山大澤寶祿龍虎氣者非歟同治九年余權鐸於茲值奉

檄飭修縣志攝縣尹林刺史暨

府憲魏觀察俱以閒曹見誨諉自維謏陋朽鈍曷勝斯任既固辭不獲乃檢舊志及羅君志稿益以採訪

保靖縣志

卷首

八

所得分門別類正譌補漏損微闡幽釐爲十二卷於以紀一邑之山川依舊人事維新漸摩滋永苗_黎恬暢靈淑於和風甘雨發英華於

化

日光天固知浸滋浸茂愈新愈盛必將有同於通都大邑而迥異乎疇曩而徵文且獲同歸也後有作者据事類義沿波討源則是編也其亦乾牉雞肋之匹儔也夫

同治十年十月中浣之十日

授奉直大夫五品銜署理永順府保靖縣學訓導石門

袁祖綬謹撰



保靖縣志

卷首序

九

縣志舊序

知府 袁承寵

保靖山陬小邑也而不得以山陬陋之上古洪荒未
啟雖中土亦無奇觀有人焉成天平地分疆畫野教
稼明倫除殘禁暴崇禮讓敦信義一道同風然後文
明日盛燦然開擴無非因制作而興也我

朝

聖聖相承深仁厚澤凡有血氣之儔莫不淪浹肌髓加以
我

皇上聰明睿知繼承

先烈過化存神中外遐邇心悅誠服在從古未經開闢之

保靖縣志

卷首舊序

地率皆樂志歸誠保靖居民原隸土司困於荼毒

皇上龍飛之五年爲之除水火俾登衽席明年永順土司

亦獻地歸誠又明年乃設永順郡分永順爲永順龍

山并保靖及同時歸流之桑植爲一邑而隸永郡焉

予蒞廨

簡命來守茲土諸務經始敬偕邑令宣布

皇仁革舊習勉善良鼓舞耕讀兩載以來蒸蒸然知君臣

父子大義漸有規模保靖王令建立義學訖卽創修

縣志余覽其形勝山川要皆本來景物孝友節義無

非固有天良從此祇承

文教渥沐

聖恩食德飲和砥礪廉行戶遵蕩平之路家敦仁讓之風
將見人傑地靈同臻時雍風動之化是安得以山陬
而陋視之哉爲泐數言弁之簡首以志期望云爾
時在雍正九年歲次辛亥

保靖縣志

卷首

舊序

二

舊志序

知縣 王欽命

保靖之開闢設縣也自雍正七年始厥初土司暴虐
民不堪命我

皇上愛民如赤不忍斯人徒墜塗炭俯准輿情改土歸流

而世道人心煥然一新矣余謬荷

上憲保題調補茲土於己酉歲十一月十四日莅任

草昧初開百事創始躬承

撫憲趙 飭發治苗十二條又蒙

府憲袁 化苗五字訓遵循行之殊覺心思才力之

不遑焉見夫保民衣不遮體家無宿食無論爲男爲

保靖縣志

卷首

舊序

三

女爲老爲幼白布包頭短衣赤足居則枕金衽革動
則帶刀攜弩有土可種而不知耕有水可田而不知
灌有河可舟而苦於頑石險灘之阻滯有地可墾而
限於牛工子粒之無資六街堪市而商賈裹足一牀
同居而男女無別其風野野亦極矣其俗陋陋亦甚
矣然而野陋之中有一段天性之良可以直道而行
者存焉其需乎撫養而化導也亦孔急矣予則先之
以樹藝田之熟者勸之使勤焉土之荒者導之使墾
焉間或力有不足必爲之捐牛工子粒以全乃農事
而民遂蒸蒸然有起色且爲之宣講

聖諭以啟其愚廣設義學以開其蒙六街市廛二百三十餘家四鄉烟戶七千一百餘戶保甲定而盜賊泯迹田賦清而農事大作相度城基有卿雲之呈瑞宣講聖諭感猷猴之聽聞城垣議建茅坪欣逢

撫憲之親臨勘定河道濬通黔蜀幸叨

督院之題請發帑李丞督工於前梁捕成工於後以言乎風而風之野者格矣以言乎俗而俗之陋者易矣余雖不敢望期月之治而新關善後事宜亦大略可觀己諸耆老鄉士向予編縣志以傳山川之秀麗彰保民之循良予正愧教養未至大備不足以

保靖縣志

卷首 舊序

四

垂章程而表風化適

上憲飭修縣志索之甚迫實不敢辭忘其鄙陋忙中偷閑就延居保之沅瀘生儒蕭劉等四人萃之一室會勘乎山嶺之秀且大探索乎河水之源且深相度乎幅員之廣濶權量乎界址之遠近考之於古藐無可考也亦不足考也擬之於今實有足紀也正不勝紀也嗟嗟文獻無徵雖有善者無如何也大率就目之所覩足之所履本道以爲政推心以治民者纂成一書豈敢曰志也可以正風化敦道義尚名節而爲後世之章程乎不過略備大義以應故事草率成篇

保靖縣志

卷首 舊序

五

以爲世道人心之風勵萬一云耳若云治具大備人物大興化行俗美而政臻上理也則有望於後之君子
時雍正九年歲次辛亥

又舊序

王欽命

保靖苗地也何爲乎設縣爲其救民於水少而登之
砥席也欽奉

皇恩改土也上改而民亦改矣民改而山亦改水亦改矣
山何以改山猶是也山之利向不顯而今顯焉猶之
乎山改也水何以改水猶是也水之澤向不著而今
著焉猶之乎水改也民何以改向不知養而今知養
向不知教而今知教猶之民改也夫何以知養何以
知教也雍正五年改土歸流

特簡同知劉自唐彈壓其間去殘也撫恤也民已知養矣

保靖縣志 卷首 舊序

六

民已知教矣民知養猶未養之也民知教猶未教之
也各寨猶以旗名也秋糧猶照土貢也改已乎未也
越雍正七年奉

旨設縣余謬膺

上憲保題調補茲土見民未養也急思養焉見民未
教也急思教焉予何以養山可種導之使耕焉養之
以山也水可田導之使灌焉養之以水也且余又何
以教也

聖諭萬言

皇上之所以訓民也余宣講之不過就

聖訓而化導之

聖教也非余教也義學十處士子之所以教民也余設立
之不過延師儒以督率之士教也非余教也甫及一
載而黎民遂蒸蒸然變矣閭閻之間父言慈也子言
孝也男耕女織而家給戶足也人皆歸功於予而不
知非余之功也民性之所固有也直道而行三代不
易焉清疆界就現在者而清之也非有良法也編保
甲體

聖諭而編之也非有異術也定田賦遵

古自首而科之也非爲殊猷也民始知改土之樂也民始

保靖縣志 卷首 舊序

七

樂改土之樂也改土而民猶是也民改而土猶是也
民猶是而民之所以爲情者不猶是矣土猶是而土
之所以生物者不猶是矣即以爲土改可也民改可
也山改水改亦無不可也適

上憲飭修縣志甚迫弗敢辭也考之版籍無可考也
訪之耆老無可訪也大率就目之所覩足之所履纂
成一篇而幸得沅陵之儒生蕭劉等四人協助於其
間聊以傳乎山也聊以傳乎水也聊以傳乎民之養
與教也傳乎山而山之利未盡顯傳乎水而水之澤
未盡著傳乎養與教而民之養未盡備民之教未盡

善也余之歎也如其教養悉備而黎民於變時雍也以俟夫本道以爲治而以德化民者

保靖縣志

卷首 舊序

八

保靖縣志續修姓氏

同治十年

督修

卽選道永順府知府

魏式曾

監修

兼襲雲騎尉

補用知州署保靖縣知縣

林繼欽

五品銜

署保靖縣知縣

龔南金

協修

署保靖

縣

縣

巡

檢

陶培

保靖

縣

縣

巡

檢

華廷凱

保靖縣志

卷首

姓氏

纂修

靖

縣

典

史

袁承惠

纂修

五品銜

署保靖

縣

訓導

袁祖綬

分纂

邑恩貢

生

候選

教諭

胡正祺

邑恩貢

生

保舉知縣

加同知銜

陳祖文

邑舉人

署陝西城固縣知縣

加同知銜

張開鑑

邑舉人

庠

舉

人

劉定和

邑舉人

庠

生

尤昉

原輯志稿

邑舉人候選知縣加同知銜茶陵州學正 羅經畚

邑庠生保舉知縣 胡福昌

邑增 生 何汝霖

收支

邑附貢 貢 生 謝利成

邑附貢 貢 訓導 謝鍾

邑 庠 生 余準

一都採訪

邑 庠 生 彭天祿

保靖縣志

卷首 姓氏

二

邑 庠 生 彭連勝

邑 庠 生 彭兆麟

二都

邑 庠 生 謝廷蘭

邑監生湖北試用巡檢 彭獻廷

三都

邑歲貢 生 徐永麟

邑 庠 生 周振元

邑 庠 生 王紹祖

四都

邑廩 生 向廷樑

邑廩 生 方大瀛

邑廩 生 田錦江

邑廩 生 梁成珪

五都

邑廩 生 龍紀宜

邑廩 生 龍占先

六都

邑廩貢 保舉五品銜 監翎試用訓導 袁國鈞

邑 庠 生 龍紹宗

保靖縣志

卷首 姓氏

三

七都 邑 庠 生 龍躍池

邑 庠 生 向聲楊

八都

邑 庠 生 梁國忠

邑 庠 生 石明良

九都

邑 庠 生 吳宏京

邑 庠 生 蕭顯梅

十都

邑 附貢 生 余鵬

邑 監生 國子監 典簿 銜 田應瑞

十一都

邑 庠 生 田開杏

邑 庠 生 田開耕

十二都

邑 廩 生 劉心衢

邑 庠 生 姜應侯

邑 庠 生 姚復勳

十三都

保靖縣志 卷首 姓氏

四

邑 庠 生 張國軾

邑 庠 生 田家寶

邑 監 生 張心拔

十四都

邑 恩貢 生 王正英

邑 庠 生 胡鼎三

邑 庠 生 張品三

邑 庠 生 周子和

十五都

邑 庠 生 李鼎銘

邑 庠 生 李芳菲

邑 庠 生 米得陞

十六都

邑 恩貢 生 劉遠明

邑 廩 生 蔣榮鉦

邑 附監生 捐 用 同知 彭萬超

邑 庠生 保教諭 加知州銜 彭萬儀

籍寫 生 蕭善定

邑 軍功 卽 選 從 九 陳少衡

邑 文 童 蕭善定

保靖縣志 卷首 姓氏

五

邑 文 童 尤明

邑 文 童 彭澤

繪圖 人 陳長培

邑 四六七八都採訪 人 陳長培

苗 守 備 龍正富

苗 守 備 石明理

苗 守 備 向顯羣

苗 守 備 梁國明

保靖縣志凡例 計十六則

一

宸翰所以神化導動觀聽也

皇上勤求民隱點尙苗蠻罔不幸從

聖謨洋洋度越千古彙冠卷首通志體例如是

一舊志知縣王欽命創修時初設縣諸多未備嗣後邑

舉人羅經畚績輯志稿亦不免於脫漏茲兼收合纂

加以十六都採訪編次爲綱十二目七十五

一星野荆州之域皆屬翼軫謹繪二圖以覘躔度未敢

保靖縣志 卷首 凡例

據拾誇多

一山川舊志頗略茲則略者詳之缺者補之歷歷登載

險要關隘形勢了然在日

一津梁所以濟人或公修或獨建或大道或險徑董事

歲月有無經費必悉

一學校以培養人材歷年

頒發書籍嘉惠膠庠至優且渥故書院及屯苗義學分

都建布均歸該備

職官自漢至明史冊既難確考舉皆從略以

國朝設縣爲斷文員武弁彙其姓氏籍貫次第書名其

有實心實政遺愛在人者另爲宦績一條

一營弁屯苗各防設縣以來有改易有增減有移駐悉

分別詳識而以塘汛附之

一祀典雖郡縣所同而禮儀雍容必觀乎此故廟中有

境內之象我

朝崇奉

聖神

武廟

文昌俱升中祀儀節樂章謹皆備爲紀錄以昭

盛軌壇壝寺觀依類咸登

保靖縣志 卷首 凡例

一選舉以甲科歲優選貢分類聯編而應例勛績亦循

途備列又承襲各職其先世林著忠勤當得並垂

一人物以表殊尤端物望無論士紳齊民要惟素行確

實聲華昭著鄉評悉協始行採取其年登大耋典型

足式者增入耆壽

一列女節孝貞烈已邀

旌表者依年分編載其未經

旌表而年例已符者悉爲附錄庶潛德苦心不至泯沒至

於賢明壽婦蔭永閨闈無成代終備誌之亦徵地氣

之厚

一兵難所值荷戈從戎者固必見危授命而旁逮閭房

弱質俱能曉順逆大義氣憤志烈益見

國家厚澤深仁淪浹肌髓歷劫不渝故於

昭忠祠官兵外并及殉難士民婦女以存節概

一藝文以資考鏡凡筆墨所播有關地方掌故乃從收

錄庶俾後之覽者得以因文見事否則從刪

一雜識或曰志餘或曰叢談者其類也而邑中若

天王靈異

仁廟曾頒扁額軼事所傳雖各不同而藉溯源委不可謂

無係典要其他舊說新聞斷碑牋碣無類可歸者兼

保靖縣志 卷首 凡例

記於此以備參稽焉

一每卷弁言倣史記索隱贊例皆用古韻既遠勦襲亦

刪枝辭

保靖縣志目錄

卷首

序 姓氏

卷一

天章志

星野志

卷二

輿地志

輿圖 建置沿革 疆域 城池 公署
都寨 市場 育嬰堂 養濟院 山川
津梁 古蹟 冢墓 義冢 風俗

保靖縣志

卷首 目錄

卷三

食貨志

戶口 田賦 屯田 物產 倉儲
蠲政

卷四

學校志

學宮 典籍 弟子員 書院 考棚
義學 書院田 考棚田附

卷五

武備志

營制 塘汛 屯防 苗防 徵調
鋪遞 塘遞 土司考

卷六

祀典志

文廟

武廟

文昌

壇壝 寺觀 尼庵附

卷七

職官志 文職 武職 宦績

卷八

選舉志 科甲 薦辟 應例 封蔭

卷九

人物志 孝友 忠義 文苑 武功 隱逸

保靖縣志

卷首 目錄

耆壽 流寓 方伎 方外

卷十

列女志 節孝 貞烈 壽婦

卷十一

祥異志 災祥 豐歉 兵難

卷十二

藝文志 疏詳 告示 記序 文論 引

說考 啟詩 雜識

保靖縣舊志姓氏

雍正九年

創修

保靖

靖

縣

知

縣

王欽命敬天

校訂

保靖

靖

縣

巡

檢

梁際世斯周

纂輯

靖

縣

典

史

鄺祖武熙臣

沅陵

陵

縣

庠

生

蕭肇極天樞

沅陵

陵

縣

庠

生

劉槐植三

保靖縣志

卷首 舊志姓氏

沅陵

陵

縣

庠

生

王化行南

瀘溪

溪

縣

庠

生

胡太清靜源

保靖縣志卷一

天章志

肅商皇皇

巽命風翔

體天出治踵陶邁唐

龍綸綯采

鳳詔含鐫

帝德廣運勸戒周詳上蟠下際遐陬殊方萬邦作孚俎豆

典章志

天章

詔諭

宸翰前代詔勅附

保靖縣志

卷一 天章

詔諭

順治九年

御製卧碑

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以備朝廷之用諸生皆當上報國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理再三懇告使父母不陷於危亡一生員居心忠厚正直讀書方有實用出仕必作良吏若



心術和刻讀書必無成就爲官必取禍患行害人之事者適以自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司衙門不可輕入即有切已之事只許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辯難爲師者亦當盡心教訓勿致怠惰一軍民一切利病不許生員上書陳言如有一言建白以

保靖縣志

卷一 詔諭

違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調治罪

康熙九年

御製十六條

朕惟至治之世不專以法令爲務而以教化爲先其時人心醇良風俗樸厚刑措不用比屋可封長治久安戎登上理蓋法令禁於一時而教化維於可久若徒恃法令而教化不宜是舍本而務末也近見風俗日敝人心不古黨凌或習僭濫多端狙詐之術日工訟獄之興靡已或豪富陵